



张红果(湖南·湘潭)

偶 题

绿烟淡柳隐晴沙,未扰高眠处士家。
早卜生涯销剑气,迟分消息向梅花。
忧贫心性难忧道,煮酒功夫换煮茶。
未管残宵捱不得,疏檐春雨弄琵琶。

自 题

四十余年不惑难,沉浮只做等闲看。
诗题懒向笺头落,老眼长于劫后寒。
偶有春怀由渐逝,从无古调许高弹。
平生惟恨诗人气,一笔清欢一笔阑。

岳阳楼

长天一洗豁清眸,愧我迟攀楼上楼。
拂袖风来云梦泽,披襟雨带洞庭秋。
江山劫过聊存迹,日月涛浮不系舟。
后乐先忧元故事,栏杆拍遍看沙鸥。

师红儒(山西·朔州)

夏日临文庙杏台

暂避天流火,清凉在杏台。
登阶十余道,趋者万千回。
亭角风轻过,池边花暗开。
籁声何静寂,待我读书来。

芦芽山情人谷

远逐青山听水声,巉岩高处俯身行。
小枝冷艳生风谷,苍柏嶙峋出野荆。
但惜泉流尘世窄,不疑心历雪霜清。
得来幽境非容易,偏有俗人呼俗名。

贺新郎·七夕日作

值此秋宵黑,望遥遥、鹊桥归路,
只凭心织。重裹牛衣悲收罢,天溅尘
泥九尺。沧海水、掀翻愁色。瑶殿嬉游
仙眷侣,却遍抛离恨红尘滴。缚世索,
本无迹。多情儿女胭脂笔,问从

来匣中闲费，尘沾琴瑟。难见陂塘花并蒂，沈醉东床佳客。怎肯把三生付出？都道青春才一晌，则如他岁岁芳期寂。孰可忍，情难匿。

求灿霓(湖南·益阳)

清明祭祖母三章

一

廿载流光春复冬，常于梦后忆慈容。
清明此刻情何寄，遥对青山鞠一躬。

二

春华鹤梦两消残，老宅重临泪不干。
慈祖当年曾拄杖，几回放学路边看。

三

挂树冥幡次第开，莹前乱草刺幽怀。
他年若缴阎罗册，重铸人间生死牌。

杨新跃(湖南·湘乡)

王闿运二首

乙未春，从赵志超先生、刘安定兄及读山诗社诸君谒王湘绮墓，墓被众新坟拥挤，尚余华表一根。得此二首：

半边华表柱流尘，孤寂相看故垒春。
置此先生群鬼侧，推秤旧梦乱鸦邻。
知君末世佯狂态，识得伤心是古人。
山色纷纭青入眼，俱同夕照说嶙峋。

卅年生长帝王州，此日坟前始吊游。
万岭青来松气壮，一碑红到夕阳稠。

江湖只许成名士，曾左居然无异谋。
老作伏生唯述礼，家山半亩可埋忧。

沈旭娜(浙江·慈溪)

山中

寒溪迎暮雨，孤翼没重榛。
有乐鸣青杏，无心堕素尘。
行深观自在，思浅发清新。
石上三祈愿，风中一转身。

戏作

我不峥嵘尔不鸣，一般形影未相轻。
衡门绝迹春风夜，与尔同听落叶声。
注：夜读时，一虫倦极落书上，戏赋之。

张海燕(浙江·余姚)

题创虫母鸡

百草绕残垣，断无车马喧。
羡她双凤爪，探得武陵源。

步和衔月楼《题罗标兄画梅》

绝世清姿冰雪魂，休教零落软红尘。
客家自有神来笔，留与岭南千岁春。

大寒三日下雪即感

昙花一瞬又如何，无愧诗人白雪歌。
已是春前十余日，也知为瑞不宜多。

田博文(浙江·玉环)



浪淘沙·郊游

绕水过晴洲，吹面风柔。歌飘林樾鸟啾啾。脚踏金秋心纵马，欲共云浮。骋目望高楼，霞照悠悠。人生哪有恁多愁。好景怡人还自问：此外何求？

王淑梅(黑龙江·鹤岗)

破阵子

矮院青篱错落，暮舟驿水迷踪。寻遍野塘荷不再，唯见绡霞一抹红。远天烟色浓。往事未曾遗忘，新词可否从容。看尽秋山情剩几，嗟念霜歌千万重。泠泠又冽风。

李 鹏(浙江·杭州)

项目工地受台风影响人员连夜转移
床铺摇晃胆心惊，旷野狂风呼啸鸣。
为保安全连夜撤，库房听雨到天明。

思 乡

随缘浪迹到杭州，徜徉青山楼外楼。
谁裹相思连入梦，西风除却尽乡愁。

郭 治(辽宁·沈阳)

清福陵

驰骤京尘迹已消，觚棱黯对野萧萧。
苔痕丛簇阶嵌碧，石仲沈冥首望遥。

万里云飞华表鹤，百年鹿失梦中蕉。
秦池汉月谁长主，风物端宜借酒浇。

鹤雀楼

退标空际影横留，抱势如山镇渚洲。
三晋风烟来日下，中条林秀擷云头。
冥冥野渡潮春水，片片征帆戏浦鸥。
题壁遥怀千古事，振衣直上最高楼。

方建飞(浙江·平湖)

水调歌头

新岁值人日，鹄水访高贤。隔墙车马如蚁，难碍此幽闲。檐角东风初涨，耳畔莺声渐暖，春意到芳园。老树暗香溢，清气润尘颜。识雅趣，观妙墨，赏芸笺。一双椽笔，清远楼里著佳篇。拾取青龙陈迹，试想山阳云月，往事话千年。执手殷殷语，谈笑付茶烟。

姚泉名(湖北·武汉)

谒武侯祠

古祠初谒似重来，殿阁层层不费猜。
遗表未因千载老，勋功犹带几分哀。
山墙柏影过朝日，阶石雨痕滋绿苔。
静远堂中谁配飨，子孙血洒蜀人腮。

广渠门留别鹿鸣社友次烟沽野鹤韵
性耽大雅凭谁笑，忧乐行年四十三。

素志不从风俗改，骚声期与世人谈。
一尊烈酒情留北，万里愁心鞭指南。
夕照金台云漠漠，清秋别意此中涵。

詹彩梅(广东·饶平)

卜算子

木叶挂枝头，苍翠曾经是。楼月
盈盈拂面来，忽的伤心起。青在
旧时衣，何若重回记。去去幽怀订作
期，任着秋千里。

鹧鸪天

已梦年年犹未完，可怜春色百千
般。谁知沧海无穷处，人在蓝桥第几
弯？红杏了，海棠残。何堪孤影
对重关。菩提若解诸生愿，肯许心伤
一键删。

蝶恋花

才别春天秋又了，晓镜难堪，鬓
上霜丝绕。斜日横窗留宿鸟，菊花零
落梅花小。莫道岭南风景好，十里斜
川，遍地余枯草。眼底手心寒袞
袞，可怜田里村翁老。

陈 坤(云南·景洪)

春 日

晓闻雀鸟叩窗声，满树新枝泼眼青。
梦醒迟迟高日照，慵慵犹困负春晴。

柳

春风绿岸弄轻柔，垂水丝儿不带钩。
却似子牙溪上坐，终朝只为钓王侯。

刘铮湧(辽宁·大连)

贺新郎

了却经营矣。算生涯、酒酣箕踞，
故交屈指。长误贪杯痴狂语，可笑席
间兄弟。更凿凿、言犹在耳。不怨人心
多险恶，怨吾心不识商场计。说甚么，
仁和义？人前几度称经理。更谁
知、盐车骥服，元龙气味。残稿投炉推
门去，宕宕流年如水。但俯仰、苍茫天
地。谓我来时春已半，恰春花春雨春
之泪。谁葬在，春风里？

朱思丞(江苏·南京)

哨所吟

未睹芳春秋已还，孤营夜夜锁寒烟。
多情唯有边关月，长与官兵并枕眠。

访曹剑浪先生

老花镜下半杯茶，满壁蛛丝共一家。
窗敛斜阳霉气外，书山点绿两盆花。

中学同学聚会

奔驰宝马钥匙圈，股市几番停涨间。
对酒无言心所向，一轮明月照边关。



新蕖集

浙江经济职业技术学院学生习作选

林永杰 庆千秋·
观潮

万里西风，过
钱塘水畔，卷起惊
涛。长堤响却，翻
浪一线寒蛟。人声
沸，手把危栏，沧
海滔滔。浩浩碧空
连白雪，回回堆起
狂潮。 恰似
孤帆游海，任一船
秋雨，绪意难消。
仍怀子胥郁郁，吴

越遥遥。英雄恨、却到今时，还作江
潮。千古事，浮云又垒，不如一醉今
朝。

秋

昨宵秋雨温初降，今日西风云正浓。
夜夜霜寒花尽谢，朝朝露白水从容。
青烟不暖江南树，蓬草犹临山上松。
只待冬来冰雪至，金枝银絮在心胸。

李东梅 雪

玉柳琼柯种瑶台，梨花一夜压枝白。
东风吹过苏杭处，来赏红梅争艳开。

何盼玲 除夕

饺子红包涨喜庆，妙联成对亦多情。
彻天炮竹声声响，共度今宵好梦迎。

朱巧英 踏春

莺歌燕舞逐风流，无限春光入眼眸。

隔岸桃花香涧水，笛声又上柳梢头。

无题

半壁孤影冷，一帘明月长。
笙歌续幽梦，烟雨画潇湘。

胡海英 春

西湖三月烟波绿，红杏碧桃相继开。
柳枝春草暖风里，飞鸿一队自南来。

沈 全 浙经院春色

杭州城外樱花雨，何处方塘几处蛙。
得享春光暖如沐，玉屏洲畔看桃花。

李定娟 春到

冬逝春来柳絮飘，新枝嫩叶逐风摇。
鱼嬉湖水波纹动，紫燕衔泥垒旧巢。

叶乔特 春夜

一夜春风别梦哀，丝丝寒雨入心怀。
樱花落后旁花绽，何计佳人不复来。

谢洁丽 初春

初识杭州已入秋，不知城东也蘸愁。
春桃三月开渐盛，且与烟霞共倚楼。

朱芷漫 江南春

一梦醒来花竞开，举杯携友唤春来。
早莺几处衔新柳，绮陌暖风亲客怀。

杨冰晶 春梅

一路寻梅梅不开，琼枝忽见杂红白。
已添寒蕊蜂知未？不日争春百卉开。